

S. IVAN DEL FORATCHE.



Hispalis, ut est celeberrima Hispaniæ, & in ea Beticæ ciuitas, quæ opida plura, quàm aliæ Regiones, numerat, Ita præ cæteris huius Regni prouincijs, nobilium, magnatum ac Regum sumptuosis edificijs maximè decorata fuit, quam felicem ac beatam interpretatur: inter quæ S. Ioannis del Foratche, primo ab Hispali lapide, veteris castru ruina, incredibili magnitudine, collem occupant ad Betim flumen vulgò & Arabico idiomate Guadalqueuir, dictum, quod designat fluuium magnum. Ex cuius ruderibus & erutis antiquitatibus apparet eam arcē à Gothis quondam constructam fuisse.

I E R E N N A.



Irenna, famosus prope Hispalim locus, ob mirabilem saxorum in circuitu dispositionem, tanta multitudine in terram defixorum, quasi celsi pluuiæ huc delapsa fuissent. Terræ motu id factum putatur, quo multa ædificia Hispali & Cordubæ & vicinis in locis frequenter corruerunt.

Ad delectationem quoque eorum, quos antiquitatis studium capit, monumentorum quorundam descriptionem subiungimus, quæ Anno M. D. LXV. in suburbij Hispalensibus inuenta fuere, Quod ubi communitati Hispalensi hæc fama innotuisset, quasi veneranda sanctorum corpora, hic reperta fuissent, Hispalenses incolæ pro singulari in catholicâ religionem affectu, tam frequenti concursu, ad visendum hæc monumenta excurrerunt, & loci terram, tanquam martyrum sanguine consecratam, secum in urbem retulerunt, ut nisi magistratus auctoritate portæ clausæ, & tantus populi feruor cohibitus fuisset, totum suburbanum hunc fundum abstulisset. Talia autem inuenta fuerunt.

1.

CAPSA plumbea oui forma (cui inerat eiusdem formæ vitrum refertum cineribus ossibusque exusti corporis humani, superimpositis tribus vitreis lachrymarum vrnulis) reperta sub terra in suburbio Hispalensi (vulgò el tablado) in rusculo Henrici van belle, mercatoris Flandri, Anno 1565.

2.

Sepulchrum septempedale ex solido marmore excisum, cui inerant ossa nobilis foemina Christianæ, ut apparebat ex superimposito coperculo marmoreo cum inscriptione sequenti, in eodem suburbio, eodemque tempore repertum.

PAVLA CLSA FEMINA, FAMVLA XPI,
VIXIT ANNOS XXIII. MENSES DVO,
RECESSIT IN PACE DIE XVI. KAL.
FEBRVARIAS. ERA DLXXXII.

3.

Sepulchrum forma, magnitudine & materia omnino priori simile, & illi coniunctum, continens itidem nobilis foeminae Christianæ ossa cum hac inscriptione.

CEREVELLA CLSA FEMINA FAMVLA
XPI VIXIT ANNOS PL. MVS XXXV.
RECESSIT IN PACE III. KAL. FEBRVARIAS DC.

4.

Lapis quadratus in eodem loco, eodemque tempore sub radice pertuetustæ nucis repertus cum sequente inscriptione.

NOME VIXIT ANNO ET MENSIBVS VIII. DIEBVS XII.
H. S. E. S. T. T. L. hic sita est sit tibi terra levis.
NOME FVIT NOMEN, HAESIT NASCENTI CVSVCIA
VTRAQUE HOC TITVLO NOMINA SIGNIFICO.
VIAI PAROM. DVLCISQ. FVI DVM VIXI PARENTI
HOC TITVLO TEGEOR DEBITA PERSOLVI.
QVIQ. LEGIS TITVLVM SENTIS QVAM VIXERIM PAROM,
HOC PETO NVNC DICAS SIT TIBI TERRA LEVIS.

5.

Monumenta siue sepulchra communia ex lateribus coctis exstructa, ac fornicata, quæ passim in illo suburbio Hispalensi permulta ac penè innumerabilia quotidie, in subruenda terra reperiuntur, ita ut qui in illo territorio fundum exstruendis ædibus emunt, tantam vim laterum sub terra inueniant, ut super terram ædificio penè sufficiant.

6.

Maiores Hispalensis Ecclesiæ turrim hic separatim exhibemus, ob insignem venustatem & artem, quam Mauri cocto ex latere, dum ipsi in Hispania rerum potirentur, tanto sumptu & artificio construxerunt, ut in admirationem spectantes rapiat, cochleam intus habet, per quam eques ad quadraturæ summitatem commodè ascendere potest. Superiorem verò ædificij & campanarum ornatum postmodum Christiani addiderunt in cuius circumferentia capitilibus his sculptum. TVRRIS FORTISSIMA NOMEN DOMINI. Proverb. xviii.

In supremo turris apice Fidei est statua ærea, magnitudine hominem referens, versatilis ventorum index.